

Lescha davart la recepziun da burgheis per la vischnaunca da Tujetsch	
Informaziuns generalas	<p>La suprastonza ha decidiu dad abolir il reglament existent e relaschar ina nova lescha per la recepziun da burgheis. Quella decisiun ei vegnida prida sin fundament d'ina cussegliazion. La suprastonza ha plinavon constattau che biaras vischnauncas han reglau la tematica davart la recepziun da burgheis en ina lescha. Sin fundament da quellas constataziuns e damai ch'ei setracta d'ina impurtonta tematica ha la suprastonza decidiu da reglar quella materia en ina lescha communal.</p> <p>La nova lescha ei vegnida elavurada ensemen cun pliras personas dil fatg. La lescha elavurada regla las pli impurtontas tematicas. La suprastonza ha desistiu da reglar ella nova lescha memia bia materia ch'ei gia reglada ella lescha cantunala surordinaria. Quei ei sulettamein vegniu fatg nua ch'igl ei necessari ord vesta giuridica ni per l'orientaziun dil lectur.</p> <p>En cumparegliazion cullas novas leschas dallas vischnauncas ella regiun ei il cuntegn dalla lescha bunamein identics.</p>
Artechel 1: <i>Principi</i>	Egl artechel vegn descret tgi che sa daventar burgheis dalla vischnaunca da Tujetsch.
Artechel 2: <i>Premissas per personas jastra</i>	<p>Per las personas jastras vegnan las premissas el connex cul domicil descrettas en quei artechel. Tochen oz ei quei reglau egl artechel 2 dil reglament.</p> <p>La suprastonza ha decidiu da crear per las personas svizras e per las personas jastras in agen artechel. Quei ord il motiv pervia che las premissas dil domicil e las ulteriuras pretensiuns tenor la legislaziun federala e cantunala ein buca tuttina tier las personas jastras sco tier las personas svizras. Plinavon sa il lectur dalla lescha s'orientar aschia meglier ella lescha.</p>
Artechel 3: <i>Premissas per personas svizras</i>	<p>Las premissas per las personas svizras vegnan definadas en quei artechel.</p> <p>Las stipulaziuns a) e b) ein vegnidadas surpridas ord la lescha cantunala. Las stipulaziuns c) e d) ein vegnidadas fixadas supplementarmein dalla suprastonza communal. Quellas ein buca cuntenidas ella legislaziun cantunala.</p> <p>Tier las personas jastras ein quellas e las ulteriuras premissas definadas ella legislaziun cantunala e federala. Ord quei motiv cumpeggia gl'artechel 2 buca talas ni semegliontas premissas.</p>
Artechel 4: <i>Procedura</i>	<p>La suprastonza communal ha fixau ils documents che las personas svizras ston inoltrar suenter las stipulaziuns ell'ordinaziun cantunala dil dretg da burgheis (<i>artechel 23</i>).</p> <p>Ils documents ch'ei stipulai tier g) ha la suprastonza pretendiu supplementarmein. Quels ein buca menziunai ell'ordinaziun cantunala. Quels documents ston denton era vegnir inoltrai dallas personas jastras culla damonda da naturalisaziun.</p> <p>Plinavon pretenda la vischnaunca tier e) extracts da scussiun dils davos diesch onns. La lescha cantunala scriva sulettamein avon extracts dils davos tschun onns. La vischnaunca astga denton pretender quels ulteriurs documents. Ina persuna sto esser domiciliada sulettamein dus onns ella vischnaunca cura ch'ella inoltrescha la damonda da naturalisaziun. Ord quei motiv ha la suprastonza decidiu che las personas svizras ston inoltrar quels ulteriurs documents. Quels extracts ein oravontut da necessitad per ina examinaziun detagliada dalla damonda da naturalisaziun.</p>

	<p>Per las personas digl exteriur eisi buca stau necessari da stipular ils documents ch'ellas ston inoltrar culla damonda da naturalisaziun. Quei ei reglau ell'ordinaziun cantunala dil dretg da burgheis (<i>artechel 22</i>).</p>
<p>Artechel 5: <i>Examinaziun e decisium</i></p>	<p>L'examinaziun dallas damondas da naturalisaziun ei oz reglada egl artechel 3 dil reglament. Enviars il reglament existent eisi vegniu definau niev ella lescha che la suprastanza ha era la pusseivladad dad envidar personas svizras ad in discuors da qualificaziun. La formulaziun cheutier dat perdetga che quei ei normalmein buca il cass.</p>
<p>Artechel 6: <i>Burgheis d'honor</i></p>	<p>Il cuntegn ch'ei oz reglaus egl artechel 5 dil reglament, ei vegnius definiaus ella lescha communal sin fundament dallas stipulaziuns dalla legislaziun cantunala e federala.</p>
<p>Artechel 7: <i>Taxas</i></p>	<p>Las taxas ein definadas oz egl artechel 4 dil reglament.</p> <p>Las taxas ella lescha communal sedrezzan tenor ils parameters ch'ei dai avon ella lescha cantunala dil dretg da burgheis (<i>artechel 25</i>).</p> <p>Supplementarmein enviars il reglament existent ha la suprastanza stipulau ella lescha che la vischnaunca desista sin ina taxa sch'ei vegn concediu il dretg da burgheis d'honor. La suprastanza ei dil meini da pretender negina taxa per quels cass ch'ei vegn a dar egl avegnir. Ei vegn probablamein a settractar d'in pign diember.</p>
<p>Artechel 8: <i>Cumpetenzza e communicaziun</i></p>	<p>Gl'artechel cumpeglia l'execuziun e cumpetenzza. Quei oz reglau egl artechel 3 dil reglament.</p> <p>La suprastanza ha creau in agen artechel per quella materia ella nova lescha. Cheutras sa il lectur s'orientar meglier ella nova lescha.</p>
<p>Artechel 9: <i>Vigur legala</i></p>	<p>Quella informaziun ei fetg impurtonta ord vesta dalla persuna petenta. Ord quei motiv vegn tala menziunada egl artechel dalla nova lescha.</p>
<p>Artechel 10: <i>Mieds legals</i></p>	<p>Quei ei oz reglau egl artechel 6 dil reglament. Cheu datti neginas midadas vid la materia.</p>
<p>Artechel 11: <i>Relaschada</i></p>	<p>La relaschada dil dretg da burgheis sedrezza tenor la lescha cantunala e federala.</p>
<p>Artechel 12: <i>Abrogaziun e vigur</i></p>	<p>Oz ei quella tematica reglada egl artechel 7 ed egl artechel 8 dil reglament.</p>